

續修四庫全書



《續修四庫全書》編纂委員會編

續修四庫全書

上海古籍出版社

一二五八・子部・類書類

時務通考三十一卷（卷二十二至卷二十四）〔清〕杞廬主人等撰

.....

時務通考五

〔清〕杞廬主人等撰

據上海辭書出版社圖書館藏清光緒二十三年點石齋石印本影印原書版框高一三七毫米寬一六〇毫米

時務通攷卷二十二

史學一

俄羅斯

俄羅斯國名譯音各異。俄羅斯一作鄂羅斯。一作阿羅斯。徐松龕云。即漢之渾厥。屈別北丁零。堅昆。奄蔡。七擒圖陳。資齊云。即康居大月氏烏孫條支。葉條支即波斯。古今譯字遞異。番音按國。實即一地。與俄無涉。魏默深云。即元魏時之烏洛侯。唐時點戛斯。骨利幹。其稱烏洛侯者。謂侯為侯字之訛。以國名音轉為侯。似亦近理。然細審使族音轉。自稱國曰雷西牙。自稱人曰路斯格。

立國之始。六代及隋時。俄人猶屬野番。古稱薩爾馬西亞。自唐以前為西北散部。受役於匈奴。唐末西方蠻族之。法蘭然人曰盧立克。一作魯立格與其二弟曰西納非。曰威魯。蘇爾。並號勇善戰。崛起於儒味各六。因肥尼帶酋長。重抽商稅。民庶不服。召盧立克保護。既至。即據守古拉多嘴河。招引族類。肇造邦土。於是全地皆為俄有。越二年。二弟皆卒。無子。盧立克收取其地。遂自稱俄王。

俄遣都繼斐。唐咸通三年。即西恩八百六十餘年。始有俄羅斯之名。其開國王名盧立克。遣使儒味各六。撫有俄地。王薨。子依各爾僅四歲。相臣阿列克攝行王事。葉取繼斐而遣都烏。

俄相阿列克攝政。相臣阿列克既攝政。遂欲強其國。富其民。於是開拓疆土。立約通商。境內遂大治。其後阿相卒。俄主依各爾親政。三十二年。戰死於哥羅斯澤。王后俄瑪攝政。具有智巧。脫畧。故能攻取地里。肥舍。殺其王馬利。以報夫仇。

俄遣都布爾介掠。依各爾之子。斯味挨多司拉繼位。年長英勇。又從繼斐遣至布爾介掠。凡俄每遣都步步進。向布臘青脫地方。按俄地舊本荒寒之區。向無居民。惟南方溫暖。始有田廬。而人多相鄰。不相統屬焉。

兄弟爭位。俄王斯味挨多司拉。後為百基尼掠族所殺。長子雅兒波拉克嗣位。次弟弗拉得爾莫試之。并據其地。令通國皆習希臘教。延請希士訓迪百姓。在位三十五年卒。性荒淫無度。其後即雅兒之婦。子斯味挨多司立。與其弟

卷之二十二

雅兒阿司拉夫戰敗死。雅兒嗣位。此當宋至和元年時也。

中葉衰弱。俄自宗室相爭。親貴遂分佔土地。不能制服。厥後雅弗拉得莫爾弟及安得烈二王。各具勇德。黎民歸化。南宋端平三年。雅兒阿司拉夫第二。同其宗族助威戰死於蒙古族之難。王有兩弟依次繼立。其長子二十五子。其第三子阿勒克桑德南味司干號稱英明。與日耳曼瑞典聖父阿尼亞人戰。俱勝。後與蒙古人戰。敗死。

臣服於元。按元時阿速欽察阿羅斯吉利吉思等國。日昇干戈。元太祖滅之。封長子兀赤。地皆在慈嶺西北。未至東方。阿羅斯族南遷於北海之計。由而臣服於元。歲貢元代銀四十萬兩。

傳位世次。時忒菲爾王嗣位。與莫斯科王爭戰。二十八年忒菲爾王敗。莫斯科王即位。號伊凡第一。治國明決。頗能振興。豫立子西面為嗣。西面死。無嗣。國又擾亂。西面之弟伊凡第二即位。歷六年。底未去立。暴亂淫虐。無君人之度。傳位伊凡第三。英明機警。聲聞國中。後傳伊凡第四。居心殘虐。謀戾嗜殺。或縱獸食之。或水淹火焚死之。幾無人理。惟一子最佳。竟殺之。傳位與無能之子名非得兒。此當明萬曆甲申年中也。

俄臣波離司戡儲篡位。俄王非得兒。有子名底米去第二。其臣波離司忌之。方十歲。逃阿提得斯花園。喉殊而死。波離司遂篡立。既而偽底米去法西里相繼擾亂。乃舉參格而為王。

參格而得國。參格者。姓羅曼諾夫。其父即教士非喇里底司。前使波蘭。因未釋母與前朝亦係親親。累世忠貞。人咸謂其德澤胄系。宜膺是位。乃迎立之。其父非喇里底司還國。亦能志心輔佐。參格而死。子非得兒第二立。五年亦死。無子。有母弟曰伊凡第五。庶弟曰彼得並立為王。所非愛者。前阿來格賽之女。守貞不嫁。乘伊凡無能。託名保衛。擅權干政。欲使人殺彼得。事洩。所非愛出室。彼得之權始振。伊凡嫌虛名而已。

俄王彼得得自強。西歷一千六百八十九年。即康熙二十八年。俄王彼得即位。年甫十有七。彼得幼時其母貪權。欲據王位。彼得避禍。隱寺內為僧。既為眾所擁立。卑位招致英賢。與國事。彼得性情頗躁。賴美伊秀遇事匡正之。時法人雷富卜德。訓以文字兵機。彼得下淚曰。凡茲文武事宜。皆勝於俄。何我國之不講求也。

改軍制。彼得王以冲齡踐阼。採訪歐洲政事。自愧弗如。首先改其軍制。尅日反軍。新軍切卒。未有成效。瑞典國時

彼得第十二僅半師一萬人以入俄境。俄以八萬東禦之。一戰而師使抗敵。然彼得不緣是而灰心也。務竭其力日夜訓練。久之志成勁旅。

彼得將臣列福多。彼得天安英邁。自幼就學。通曉義理。及製器諸科。最長兵器。先是居莫斯科旁邑。編一隊。使列福多訓督之。列福多者。瑞典人也。嘗習法蘭西荷蘭語。四閱月而悉熟之。後從丁林使臣至莫斯科。為秘書官。存為將官。彼得信而用之。服裝器械行軍之制。皆倣他國。而彼得亦自編入其隊。與士卒同甘苦。

創立水師。時俄國尚無兵艦。彼得乃親詣英國之德福海口。及和蘭國之安思丹海口。奉兩國造船之大匠為導師。以從事於斧斤之役。及至藝成回國。又挈帶工匠甚多。使以造船之技教導俄人。甫閱數年。俄之北境卜勒梯海面。桅檣林立。海軍已成。他國乃無敢藐視之矣。

通商。彼得謂國無沿海邑落。則不能開互市。興工業。因本國濱白海。近寒荒涼。難以通商。欲拓地西南。達波羅底海。與黑海濱。因與土耳其開釁。出師擊之。不得志而歸。一千六百九十年與中國勘定邊海。通商於恰克圖。立界牌於額爾古納河。先是康熙朝。俄使羅利侵佔雅克薩尼布楚二城。裁朝遣兵逐之。復詔絕其恰克圖貿易。乃退出二城。後復由荷蘭附書諭其國王。其王乃遣使上書乞撤雅克薩之圍。分定疆界。立碑為志。通貿易於車臣汗部之恰克圖。并遣人來京師學習漢文。每十年更易。沿為常例。

彼得建都。莫斯科者。俄之舊京也。北作木與歐洲各大都會相距過遠。彼得至卜勒梯海口。周視形勢。喜其地近控歐洲。乃徙都焉。且曰。我以此地為俄羅斯之窗閥。我開軒以遠眺歐洲之大局。胥在目中。豈不快哉。即起役夫三十萬。伐木以通道。開溝以洩水。又於其四圍偏築通衢。以利通行。不料宏規猶定。而水患適至。凡彼得所布置而設施者。全行漂沒。王之心不為動。又廢五閱月之財力。新都始定。其都城外之東西南北諸險要。則各築礮臺以扼其衝。名其都曰彼得羅堡。即以俄皇之名為名。設巡捕府以緝奸究。立郵政局以通文書。參考各國律例。以成俄羅斯新律。並延英國之蘇格蘭人至俄。教國人以筆算之法。又設礦局醫院。並令民通方言。廣工藝。而彼得於是年始稱皇帝焉。

改正朔 俄之改歲在於西歷九月間。俄民皆謂此上帝初創天地之日也。俄皇不信其愚妄之言。即下令改用歐洲新歷。與歐西各國同日度歲。按俄歷今較西歷相差凡十二日。蓋歐西各國遵教皇之所推算。改定新歷。而俄國則仍守其舊歷也。

易服色 俄人昔日衣服之制。衰衣博袖。亦如東方之式。而領下之袖則甚長。俄皇下令。悉學歐西之例。盡裁其製之長者。若有不改衣服。不遵醫製之人。以犯法論。予以重罰。都城四門之外。偏懸新衣格式。使民有所改法。其有仍執舊製者。即令吏役罰而短之。

除肘腋之患 初彼得之改兵制也。國中貴族皆咎之。親兵亦恐其不利己。欲作亂弑帝。立太子亞歷細斯。使索希亞攝政。先是府下屢災。彼得出救。不待從騎。叛黨因謀縱火府下。待其出。乘間圖之。而謀頗洩。彼得乃捕其渠魁。處以極刑。餘皆赦之。內難乃平。

遣俊秀子弟游學 彼得遣國中俊秀子弟三百人。遣至意大利荷蘭日耳曼三國。以觀其禮俗。講其文物。並學諸術。藝傳習造船航海之法。兼考求地理法律政治諸學。於是各國抱才藝者。聞風景附。爭趨俄國自效。

俄相得人 西歷一千六百九十八年。俄相列福多卒。葬以王禮。以綿西果夫代之。綿西果夫有材能。起自走卒。累官至宰輔。人皆服彼得能用人。

俄皇開邊 俄國新都既定。其南尚有土耳其。即不能通於地中海。其西則有波蘭。又不能通於各西國。欲求坐大。先在開邊。俄皇遂以狠鷙之心。運以英明之氣。先強其國。母即於俄。繼合其民。母俾於分。而惜其外交之道。未能悉合於理也。念與俄為鄰者。實逼處此。儼如卧榻之側。有人鼾睡。欲求駕乎其土。非用兵於西北。不為功。

俄皇伐瑞典 俄之貪心既熾。其適當俄衝。而最遭俄毒者。莫如瑞典。瑞典處俄羅斯之北。而其連疆之麗。芬蘭省。嘉賴力省。芬蘭達省。皆足以大梗俄人通海之路。西歷一千七百九年。彼得如波蘭。與波王會議。伐瑞典。明年。自將俄瑞典。與瑞典王甲列第十二戰。敗績。還收寺鐘及銅器。鑄大小砲二百四十三門。以備攻守。後瑞典來侵不止。法蘭西政府貼書瑞典。勸和。瑞典不能。曰。吾必至莫斯科。與彼得得盟。彼得聞之。笑曰。甲列欲行亞歷山德之事。如世無

大流士何。甲列率兵四萬五千侵波爾多瓦。彼得提精兵七萬邀之。分軍為三。自將中軍。綿西果夫與波爾張左右翼備之。戰二時。彼得冠中彈丸。綿西果夫被銳。三次奮戰不屈。遂大敗瑞軍。甲列遁走。俄遂奪瑞國之麓芬等三省。

滅波瀾 俄之西有波瀾國者。高俄使不得通歐洲。適中俄皇之忌。俄先決計奪其一大地。已便於歐洲出入之途。繼又與奧普二國訂約者三次。欲合力以滅波瀾。而剖分其全地。波瀾由是遂亡。按波之與俄。相沿六百年之久。彼此常相齟齬。俄人未變法以前。臣受虐於波瀾。且昔之波瀾。本強於俄羅斯。遂力抗俄吮。使不得逞。又與各國訂約以壓俄人。俄人恨深切齒。而無如之何。今俄既日強。圖報數百年之深仇。遂與奧普立約以滅之。

割土耳其地 土耳其者。通阻其通黑海之路。瑞典王列甲既敗。乃勸土帝亞格。黑德出師。圍彼得於布魯特數匝。彼得危在旦夕。不知計所出。坐卧露幕。禁人入見。蓋不欲示憂懼色於人也。其后加他隣與諸將謀。貽書土耳其。略之以重寶。乞和。既作書。乃進說於俄帝。帝從之。乃使其臣西賀非路抵土耳其。陳土人百計威逼。西賀非路稟然不從。王人知俄軍眾志堅固。終不可奪。乃許之。俄皇於是亟修邊備。竊食土邊駁駁南向。土耳其受俄之逼。遂獻亞叔大地於俄。就又舉其危岫間述岫半少刺筆三大地。而後土耳其滿黑海之各地。盡畀於俄矣。

俄皇東畧 中國伊犁之西北方阿那河迤北之地。雖素屬於俄。幾等石田之無用。而其東則大有膏腴。地廣人稀。棄置未免可惜。俄人又東畧而得之。波斯國畏俄之威。則奉其姪兒姐省。賜飛擄省之版圖。盡折而入於俄。統計自彼得皇創為開邊之議以來。凡東海黑海中間之地。歷代俄皇視為魚肉。遂漸次如漢陽諸姬。楚寶盡之矣。

太子亞歷細斯之獄 彼得攝其後。加他隣。遊荷蘭法蘭西普魯士諸國。先抵荷蘭。過前所寓之舍。招故人飲酒高會。抵法。法王餐禮甚渥。會本國上飛使彼得急馳歸。先是彼得收馬林堡府。得加他隣為后。舉一男曰彼得。而舊太子亞歷細斯遂失寵愛。祭司等數勸太子行大事。至此潛出宮走日耳曼。倚日王甲列第六。因甲列為已妻之兄也。彼得馳書詰日王日王送還太子。西歷一千七百十八年。遂廢太子。立加他隣所生彼得為太子。並大會羣臣廷論太子亞歷細斯罪。擬以死刑。明日太子暴死獄中。或曰恐怖甚劇。頰而死。或曰鴆殺。其說不一。太子將死。請一見帝。帝

隣之躬臨視。太子鳴咽深海前非云。

彼得卒 西歷一千七百二十五年。彼得遺疾。又大漸。謂左右曰。人生真可哀也。即日下令大赦。放獄囚。罪至大辟亦釋之。赦畢而絕。皇后侍婢皆哭。百官集寢殿。莫不悲號。帝忽薨。張目視左右。須臾而逝。卒年五十三。遺命以皇后加他隣為副。帝性苛酷。當俄人叛亂之會。所獲俘囚。不第目視其行刑。又親持利刃戕殺多命。其居宮中也。候伺其左右者。尊至教師。貴至大臣。但有不如其彼得意者。即親操梃杖以擊之。然勵精圖治。能保人民。欲開鴻業於無涯。內興工藝。外擴疆宇。以致今日之盛。亦足稱曠世英主矣。

彼得后加他隣副立 彼得在位時。嘗獨斷立法曰。俄國帝位。不必一姓相傳。宜選才德踰眾者授之。及卒。其后加他隣副立。按加他隣者。一作喀特林瑞典人之女也。方成人時。俄與瑞典有軍旅之事。加他隣被俄兵擄去。有俄國大臣門西喀弗者。悅其美。遂收為侍妾焉。後俄皇見之。愛其慧秀。門西喀弗即獻於俄皇。納入後宮。越數年。竟立以為后。當俄皇盛怒之際。每恣行殘暴。而加他隣能以一言矯其苛性。救人虎口者數矣。及即位。獨通大赦。有罪初政可觀。而國人以其非正統不服。內寇隨起。

女帝加他隣嗜酒荒政 女帝加他隣在位二年。性嗜酒。漸至怠荒政事。而大權旁落於門西喀弗之手。後遺疾。不久而卒。

彼得第二即位 當女帝加他隣病劇之時。門西喀弗恐失國權。遂勸令加他隣立廢太子亞歷細斯。一作阿子為帝始十有二齡。是為彼得第二。

黜強臣 俄臣門西喀弗威權日盛。即彼得第二亦頗聽從。未幾有彼得之侍宦官大嘎路其常以言數勸彼得。使之心生疑忌。於是彼得第二與怨望門西喀弗者。定謀黜其職位。並將其全家發往塞庇利亞之地。或云門西喀弗。即綿西果夫。譯音互異也。

女帝阿那 西歷一千七百三十年。彼得第二患症遂卒。國會諸臣立彼得之猶女阿那為帝。然將先世所執之大權。多半攬入國會。有阿那之嬖臣拜仁者。其人國寵會權。性極利伎。遂從阿那肯先時與國會所立之約。用殘酷之

刑將不順服於己者。一萬人慘害。又發遣二萬人於塞瓦利亞國。權遂歸於拜仁之手。

女帝阿那朝戰事。是時阿尼克為軍事宰相。阿士的曼為外務宰相。東拓疆土。至堪察加。與波斯盟。讓與裏海南境。與塞帝伐土耳其。土人請成許之。

女帝以利沙伯繼位。西歷一千七百四十年。女帝阿那卒。其猶女之子哀凡繼位。拜仁權朝理政。未幾大彼得之女以利沙伯暗得諸營將師之助。逐哀凡之位。獨掌國權。其人有淫亂之行。常俯隨嬖臣之意見。然不乏治國之才。處事明決。甚得百姓之心。

以利沙伯朝諸政。以利沙伯為帝。釐革制度。畫一國體。流滅元之祀於西伯利。令其開礦捕貂以滋生業。在摩斯叩城建立大學院。又在彼得布羊城設雕鵠繪畫之學塾。使人精習技藝。當塞皇馬利亞特利撒與布王腓德力克交戰時。以利沙伯遣兵助塞。始用兵於西歐洲。

彼得第三為帝。西歷一千七百六十二年。以利沙伯卒。大彼得之孫繼位。稱彼得第三。

與布國和。帝初為斯丁額多布侯。素慕布王才智。及即位。改革國政。與普人和。遂廢先王與法塞所立攻布之約。退還所侵佔之布地。又遣兵一萬五千往助之。且國中之事。多有效法布俗者。於是國人滋不悅其所為。其后喀特利尼遂與尊爵之人謀篡逆。

喀特利尼篡弒。喀特利尼與帝不協。衆民不服。遂起兵。是歲七月果弒彼得第三而篡其位。稱喀特利尼第二。加他口

開疆界。喀特利尼大有才能。與波斯土耳其瑞典與哀蘭等國。有多年軍務。大半俄兵獲勝。疆界於以大開。

與普塞三分波蘭之地。喀特利尼嘗取摩達維拉幾等地。歸俄國版圖。塞人普人欲以力折之。普王弗勒得力弟顯理立策。欲三分波蘭。各有其一。西歷一千七百七十三年。波蘭大亂。擁兵相戰。普塞二國乘之。各發大兵入其國。連議會強分其地。於是俄人取去那河東邊。及摩皮里明斯克等地。普人取波美拉尼大波蘭西普魯士一部。塞人取東加里細羅多迷里。

俄土人戰

西歷一千七百七十四年。俄人蘭土人於蘇莫利土人請和。俄國兵船往來黑海。土人又割黑海近旁諸城與俄。

波牙胃亂黨。波牙胃者。以容貌肖彼得第三。遂自稱彼得第三。誘哥薩克族與農民作亂。喀特利尼當下令國人悉變服。國人不悅。往往歸心波牙胃。波牙胃與之約曰。必滅國中貴族。使汝等免為奴隸。不亦善乎。於是人心思亂。喀特利尼遣大將米塞爾德擊之。波牙胃與官兵戰。屢破之。乘勢進軍莫斯科。官兵聞之。西歷一千七百七十五年。其黨捕波牙胃獻之。遂殺之。亂黨乃平。

俄將波泰均伐土。格勒華理波泰均。本一騎兵。有戰功。得喀特利尼寵。尋兼哥里米及博里大都督。會土人憤失地。俄國再開戰端。西歷一千七百八十八年。波泰均與土人戰。大捷。取和克撒利別將蘇尤樓與塞將約西亞合。亦擊土人。連戰破之。喀特利尼遂欲乘勝併其國。西歷一千七百八十九年。土國蘇爾且慕斯達哈第三卒。其子塞黎慕第三嗣。尋皇帝廷約福亦卒。子里泊德第二嗣。舉兵去俄。還國。俄師孤立無助。吾人英人入援土師。喀特利尼度力不敵。於西歷一千七百九十二年。會庫達維若西以和。遂得和克撒利至地。尼清和之地。

女帝喀特利尼諸美政。喀特利尼既權威名於外。其內政亦著然。備舉畫疆。興學術。纂新律。斥豪民。修道路。通商賈。定稅則。停議會。濬一大河。自北海至波羅底海。設宮銀肆。以公民。國政更新。幾至刑措。立石柱銘功。鑄銅為彼得大帝之像。

喀特利尼卒。喀特利尼嘗欲嫁其孫女於瑞典。以聯與國之交。瑞典不聽。因欲畧南方。以據版圖。出兵入波斯境。不克而歸。心怏怏不樂。遂罹風疾。西歷一千七百九十六年十一月卒。年六十七。其子嗣位。稱保羅第一。

保羅第一立。保羅第一繼位。保羅為人剛愎。幼時失教。且未經歷世故。凡事任意而行。不納忠言。且反覆無常。朝令夕改。初與英舉定約。其阻拿破命之權。繼而背之。與拿破命立約相助。又拂軍士之意。八女變易衣裝。又定尊爵入朝之禮。率皆煩瑣難行。於是上下離心。羣相謗議。乃有尊爵多人同謀戕逆。遂將保羅勒死。立其長子為帝。稱亞力山大第一。

亞力山大第一立 西歷一千八百一一年。亞力山大立。賢良明起。素剛於國。即位時。年二十四。頗留心政事。下令除宿弊。復議院之權。赦坐犯國事繫獄者。凡百設施。皆得其宜。惟發稅。先帝者。置之不問。識者非之。

亞力山大新政 帝修好鄰國。以便貿易。商業殷盛。倍於前日。新興農政。造作奇器。大開互市。設製造所。實力於田疇。精於技藝。及為國家興公益者。散私費。造大船。使人周行地球。訪列邦之風俗政令。以資治理。許猶太教徒保其權利。

破法王拿破侖 時法王拿破侖第一。攻取各國。威名甚盛。帝後慶普二國。屢與之戰。西歷一千八百七年。弗黎蘭之戰。亡精兵三萬人。西歷一千八百十三年。拿破侖率精兵五十餘萬來攻。全國震動。帝傳檄四方。諭將士竭力堵禦。一將進策曰。今日法皇來。積勝之勢。我國四處勤王之師。力未必足以相抗。不如出羸兵以誘之。引敵人深入內地。我軍堅壁不戰。燒積聚。據城堡。使法軍進無糧可掠。退無城可守。俄地早寒。八九月間。已冰凝雪積。法以道疲糧竭之餘。求戰不得。就食無資。則拿破侖之頭。可致麾下。帝從其策。法人飢寒窘甚。請和。帝在彼得羅堡。不允其請。令國人追擊大破之。

俄皇雄視歐洲 法皇拿破侖之敗也。明於事勢者。皆謂法權既削。俄權將起。隱憂之大。其在於斯。徵諸昔日歐洲之時局。法國幾可操縱由我。及俄人助各國以逐拿破侖。諸事大定。歐洲各國。君王始許俄列名於尊俎敦槃之會。與諸國君主約結神聖會盟。威權益熾。諸國私議曰。我輩若以俄為不足畏。而不重為之防。異日之歐洲。必盡遭其荼毒。識者皆謂此論為不謬。

人心思亂 俄皇因累歲用兵。遂苛派百姓充兵。又迫令其捐資助餉。因而國中困苦流離。人心搖動。及于戈止息。亞力山大猶恐患生不測。如當日拿破侖者。故仍增新兵。糜費巨餉。而百姓之困苦尤甚矣。當希利尼與土國交戰時。國民因與希利尼同教。欲以兵助之。而亞力山大不肯。因此國民愈加憎惡。以致有多人。皆謀欲逐其位。適亞力山大以國事勞心。得疾而卒。弟北士但丁當嗣立。而不欲為帝。次弟尼古喇第一即位。按尼古喇一作尼哥洛。一作尼可。此當中國道光六年時也。

尼古喇帝繼位威權自隳 俄人自大之氣至尼古喇帝而愈熾俄之威權亦日增月盛尼古喇帝之心又極不尊崇學校深恐讀書之士羣聚於大書院異日或將起介朝政之權也於是國中報館偶有一字謗訕朝章者立拘而繫之是以一國之事悉由一人為政他人不得與聞

融歐洲新法 尼古喇帝疾視歐西之新法凡有欲多見博聞以舍舊而謀新者即遭尼古喇之憎惡故當日嘗開築鐵路未及半途而止且明語人曰各國侈言教養謂可致太平者此朕心之所深鄙者也朕以為軍政一端實治國之第一義故其生平惟務整軍經武俾俄國可永恃其權以成威震人寰之圖

尼古喇朝武功 尼古喇帝志大心高常欲開拓土地西歷一千八百二十八年四月俄將巴基微隻率兵入土國境連破土軍別將地兀都踰巴幹山襲亞得里亞諾伯取之一千八百二十九年兩國會於亞得里亞諾伯約和帝得大憐河諸島又使摩達維拉幾歸己管轄一千八百三十六年帝陰嗾波斯與英戰於印度欲乘其弊一千八百四十五年波蘭又叛討平之立為省一千八百五十一年建東白喀爾省相基塔地為省城甲克圖為互市場當時帝聲威及印度之北中國之西自西伯利踰太平洋至北亞墨利加焉

俄土之戰英法助土攻俄 俄帝遣使致書土望口凡希臘教民在貴國者請歸我管轄土人謂失自主之權不允帝發兵擊之英法二國欲居間調停並率兵船入黑海以脅之帝大怒遂與二國絕西歷一千八百五十四年即中國咸豐四年法帝致手書於俄議和帝答書極驕英法皆怒決意合從助土禦俄土人以阿馬巴沙為大將與俄將巴基微隻戰破之高茶卑代將俄軍發兵船進攻土國西諾比之水寨英水師提督那兀爾與法軍共入波羅底海四月攻俄之海口阿得塞壞其壘火武庫是時英艦巡各處捕俄商船四十一艘獲財付無算俄兵攻土之西里斯的壘久之不拔英法海軍將校西里斯的俄兵解圍去八月英法兩軍攻俄之保馬孫城劇戰四日俄守將力屈以兵士二千餘大砲一百八十門出降九月法將亞爾諾英將拉格蘭各率兵攻黑海之哥里米連抵亞爾馬俄兵據險拒之兩國軍奮戰奪其地俄兵死傷數千英法兩軍半之是月法將亞爾諾病死千羅伯爾代將其軍十月英法軍始攻西巴士多卜城俄人沈大艦七隻阻敵艦出入堅如鐵城英兵攻之全軍盡潰會法軍來援餘衆僅免十一月

五日。又戰於應格曼。英兵八千。法兵六千。以支俄五萬衆。戰踰六時。遂擊退之。俄兵死傷一萬五千。適英法營中時疫大行。拉格蘭亦病歿。深布孫哥德林登相繼將其軍。十三日。黑海颶風大作。走石拔樹。英法兵艦覆沒者十餘隻。死者一千餘人。失器物數百萬磅。加以大雪寒氣極烈。英軍輜重醫藥不給。兵士露卧罹病。而仍無怠志。一千八百五十五年。即中國咸豐五年二月。各國公使會於維也納。議罷兵。不協而去。三月尼古喇卒於軍。先是帝感時疫力疾簡閱親軍。病劇。後關前軍挫。憤過而卒。子亞歷山德第二嗣位。一作愛列曉德。一作亞力山大。譯音五尼。亞歷山德第二繼位。英法撤土四國攻俄。亞歷山德初即位。國中斯被兵。瘡痍未復。撤丁將德拉馬摩拉以兵一萬五千。與英法軍合。於是撤土英法四國兵會哥里末者。二十五萬。以大破數百攻西巴多卜城。俄將萬多勒使鼓勇進戰。五月二十四日。法英土三國軍入亞連海。破壞俄船二百五十隻。六月。諸軍進攻俄營。英法二軍死傷數千。俄兵亦死傷過半。八月。俄將高茶阜攻智爾那牙營。法撤兵拒戰卻之。俄人死傷五六千。銳氣為之頓阻。九月八日。諸國軍合戰西巴多卜南郭。遂破俄人。俄人棄夜放火。棄城而遁。諸國軍獲兵糧子藥無算。十月十七日。諸軍進攻地尼伯河口金木三營。悉降之。

塞人勸俄人講和。塞人勸俄人講和。俄人以財窮民疲。乃從之。遂與土人英人法人俄人塞人會巴黎。斯講和議。於是諸國各返其侵地。限俄國疆域。不得專太腦河商權。且以黑海為諸國公共之地。許諸國貨船營業其中。但兵艦不許入。又不許設武庫於海濱。毀壞俄人所築西巴多卜城。且不准俄帝保管土國臣民奉希臘教者。更加約款以阿蘭島為局外境。不准俄人築城。若是役兩軍死傷凡五十萬。此亦歐洲一大劫數。

增立報館 俄帝詔求直言。許國中諸報館可以訟言得失。蓋自與土耳其議和以後。莫斯科彼得羅堡新舊兩京。驟增報館七十家。其指察報館之官。亦知俄國有急宜改正之事。故悉憑報館之議論。或即據之以入告。報館益博采小民之疾苦。銳意指陳。則下情無不上達焉。

造鐵路 俄帝謀造鐵路。初俄國中不乏膏腴之地。年出穀賤。徒以無鐵路之故。不能運至遠方。時志靈爛。於是俄廷謀展築鐵路。如加敦河之畔。富有煤礦。遂議築鐵路入山以運煤。又有鐵路一道。欲往東開至西伯里亞。恰克圖黑

龍江一帶又有一道欲至亞洲中境之博卡喇一帶而西伯里亞鐵路年來已漸次廣開矣

亞歷山德第二為亂黨所弑 俄朝國勢雖覺隆盛而國中逆民愈加興起近日雖講求文治而所謂多法國之憲法人多主民政故俄之亂黨甚多有客拉波特肯黨有拉勿諾甫黨有格爾特們黨有俄爾彼黨大旨謂俄貧富不均國家賦稅重思一切反之易君主為民主至於尼希里結黨最先今已大半翦除又俄制凡貴官多由世及其諸各國書者頗自負才能而名位反居其下多有私意不平者西歷一千八百八十一年國中逆黨遂伺俄皇游幸於外以開花礮子擲之遂將俄皇轟死其子嗣位

亞歷山德第三立講信修睦 亞歷山德第三繼立其父之業性仁慈以息戢安民為心勸諭國中務與中國修睦萬勿別生枝節於中國之北西伯利亞地方凡事皆亟思整頓

驅逐猶太教人 前日謀害俄皇皆尼希利人而大臣誤會為猶太人故下令凡猶太教人志逐之境外有猶太富人願捐銀二十萬兩設立大小書院教育在俄僑寓之猶太人俄皇不准

招徠華人 俄國招徠流寓新疆之華人至彼開墾現在去者甚多

德皇遊俄 中國光緒十六年德皇遊歷上俄俄皇甚敬禮之加無好於是兩國之交益固矣

俄太子遊歷各國 是年十月俄太子遊歷至德塞希臘埃及等處後又至中國中國接待如禮

亞歷山德第三卒 亞歷山德第三在位十四年卒此十四年中與民休息中國遠湖北藩司王之春齋國書致唁並

賀新皇即位

尼可刺第二嗣位 尼可刺第二嗣位光緒三十二年中國遠頤等全權大臣李鴻章賀俄皇加冕禮尋又與中國訂約續修西卑里亞鐵路